



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1655

§. 134. Retulit triginta argenteos principibus Sacerdotum & senioribus. v.
3.

urn:nbn:de:hbz:466:1-45515

conscientiaque & omnia mala eliminatis cunctis bonis tumultuari viderentur sera æstimatione cuncta in maius efferente supra ipsam mundi magnitudinem.

O Christe hominum redemptor, quam grande est tormentum conscientia sceleribus inquinata, imo vel uno crimine deturpata! certe omnia mundi monstra non sunt monstra comparatione illius, malum ingens, horrendum, infandum! & quid erit, si quis in inferno talium monstrorum milliones aspicere cogatur? vere bene dictum est, à quibusdam DD. quod conscientia magis damnatos affligat, quam ipsi dolores infernalis ignis, & ideo fortasse ita tenebras amant damnati quo monstrositas hæc sualateat, ne ipsi eam in luce intueri cogantur. O lucis creator optime aspice me, & aspiciendo corrige me, ut semper filius lucis esse velim, & non cum luda in tenebras primum, deinde in tam enormem cruciatum me conijcam.

S. 134. Retulit triginta argenteos principibus sacerdotum & senioribus, v. 3.

Vulgare dictum est, Res aliena clamat ad Dominum, nec rancum ad hominem qui eam prius possidebat, sed multo valentius ad Deum, teste S. Iacobo, ubi ait, Ecce merces operariorum, qua fraudata est à vobis clamat, & clamor eorum in aures Domini Sabaoth introiuit. Non temerè positum est, in aures Domini Sabaoth id est exercituum, quo scias non defuturos illi satellites, si priuatus es: exercitus si princeps, quibus & rem quam occupasti Domino reddat, & te in ius ad suum tribunal trahat. denique tantus est rei clamor alienæ, ut eum ne lude quidem conscientia ferre potuerit, quin statim argenteos male quæsitos referret, &, cum non reciperentur, in templo proiceret: atque is quidem non tam male partam pecuniam Dominis restituit, quam factum intellectum reddere voluit, & animo turbato qua via alia, se scelere tanto exonerare posset, non vidit. Nam quia scelus suum vendiderat, pecuniam abominabili lucro suam fecerat quare & agrum quem ex illa emere Iudæi, B. Petrus merito ait lude fuisse, licet is nunquam eum emerit, nunquam eo frui potuerit. Posse dicit, inquit, agrum de mercede iniquitatis. Tam gravis est pecunia male quæsita, ut etiam si ea iam parva sit, & in possessionem veram propriamque transuerit, nemo tamen eam ferre, nec ludas nec templum, nec Sacerdotes omnes simul potuerint. Quis ergo non eos luda peiores esse dicat, qui rerum quarum nunquam nec jure, nec virtute Domini esse di sunt, occupatam semel possessionem dimittere cunctantur.

Domine si tam periculosa res est habere pecuniam propriam, scelere partam quid erit habere cum scelere rena alienam? obsecro ergo etiam atque

atque etiam ne quid possideam unquam de mammona iniquitatis, aut red-dam statim cum cognouero, & quidem cum Zachæo potius quadrupalm, ne ideo puniendus reseruer in futuro, aut si læsi quempiam sine in fama sive bonis fortunæ pœnitenti corde & humiliato restituam, & veniam deprecer in tempore, ne clamor eorum veniat ad aures Domini Sabaoth me accu-sans de iniustitia facta, & iniuria, meque tandem conscientia mea reum ac-ca-set & condemnet.

§. 135. Peccavi, tradens sanguinem justum. v. 4.

Ecce pœnitentia, Ecce confessio, Ecce causa mouens pœnitentia tra-dens sanguinem justum: omnia bene, omnia sanctè, si ex corde vere contrito & humiliato processisset hæc confessio verbum peccati, si vere voluisset Iudas non fecisse, quod fecit, ex corde sincero erga Deum solum, cumq; offensum, certe aetius contritionis, restitutionis & confessionis fuisset celeberrimus: sed non fuit pœnitentia ex corde sincero & contrito de offendo Deo; magis vero subdola, se, & sui utilitatem, & conseruationem & honorem intendens: alias impossibile puto fuisse quin accepisset gratiam & misericordiam, veniamq; omnium scelerum ab eo qui nos omnes quotidie vocat ad pœnitentiam, clamore valido per semet ipsum, per Prophetas suos & Apostolos dicens: Matt. 11. 8. Venite ad me omnes qui laboratis & onerati estis & ego reficiam vos. Et Ezech. 18. Si impius egerit pœnitentiam omnium iniquitatum ejus non recordabor amplius, viuo ego nolo mortem peccatoris, sed ut conuertatur & viuat. Et Matth. 4. Pa-nitentiam agite, appropinquabit enim regnum cœlorum, & cum comminatione quidem, nisi pœnitentiam, hoc est, veram ut decet Christianam hominem, dignam que egeritis, omnes simul peribitis.

Quia ergo Iudas Ischariot espœnitentiam quidem egit, & non secun-dum quod decet verum pœnitentem, ex motu scilicet supernaturali, de offendo Deo, & cum spe venire, ideo perit & æternum perit.

O Verax hominū amator qui neminem vis perire, sed conuertere omnes & ad veritatis agnitionem venire: obsecro te ex intimis cordis mei, re-spice me oculis misericordiae (sicut respexisti Petrum, Magdalenam, Matthæ-um, pluresque alios quos fortiter valde à via iniquitatis abstractos ad singu-larem tuam pertraxisti dilectionem,) ut radij diuinæ lucis tuæ, in obscurum animæ meæ fundum lucere queant, ut sic immensam vilitatem, vitiositatem, peccatorum immensitatem, perspicue cognoscam, adeoque in proprijs o-culis nihil iam, & tam me profunde humiliem coram te & hominibus uni-versis, quam & mihi possibile & tibi gratum ac placitum est, tantam tamque veram pœnitentiam ob te solum offensum agam quotidie, cum tanta sub-missione